

Barnaamijka Fiisah Blended ee Xafiisku tixraaco Deb u dejinta Qaxootiga gudaha Canada

Macluumaadka Muhiimka ah

Waxaad doonaysaa inaad timaado Canada oo codsigaaga waxa uu helay dib u eegida hore ee saraakiisha Canada. Hadda waxaad la yaaban tahay waxa dhici doonaa marka xulistaada sidii qaxooti qof u qalma waa tallaabo muhiim u ah nidaamka dib u dejinta. Laakiin maaha tallaabadii u dambaysa.

Macluumaadkan ku saabsan tallaabooyinka xiga ee nidaamka, iyo waxa ku saabsan Canada.



© Boqorada sharafta leh Xaqa Canada oo uu metelo Wasiirka Socdaalka, Qaxootiiga iyo Muwaadinimada, 2019

Ci44-20/2019Som-PDF
978-0-660-32886-7
2627-11-2019

Barnaamijka Fiisah Blended ee Xafiisku tixraaco

Waxaa dhici karta in dib lagu dejiyo Canada si waafaqsan Barnaamijka Fiisah Blended ee Xafiisku tixraaco. Tan macnaheedu waxa weeye dowladda Canada iyo kooxda kafiilka gaarka ah wada jir waxay uga shaqayn doonaan si ay kaaga taageeraan adiga sanadkaaga koowaad ee Canada.

Dowladda Canada waxay adiga ku siin doontaa ilaa 6 bilood oo taageero dhaqaale ah marka aad timaado Canada. Dowladdu waxay sidoo kale dabooli doontaa kharashka badanka adeegyada caafimaadka aad u baahan karto ka dib markaad timaado.

Kafiilkaagu markaa waxa uu ku siin doonaa kaalmad adhaqaalaha ilaa 6 bilood oo dheeraad ah. Wadar ahaan, waxaad haysan doontaa 1 sanno oo taageero dhaqaale ah.

Kafiilkaagu sidoo kale waxa uu kuu taageeri doonaa dareen ahaa iyo bulsho ahaan muddada sanadkaaga koowaad gudaha Canada.

Marka lagugu habboonaysiiyo kafiil gaar ah, waxaa lagugu habboonaysiinayaa koox dad ah oo aad u rabo inay kaa caawiyaan inaad la qabsato nololsha Canada.

Dadkan dowladdu lacag kuma siiyo inay ku caawiyaan. Waa mutadawaciin kuwaas oo u heelan kafiilashadaada sababtoo ah waxay doonayaan inay ku caawiyaan. Kooxaha kafiilka lacag ayay ururiyaan si ay kuu siiyaan caawimada iskood ah.

Haddii aad Canada ku timaado hoosta barnaamijkan, waxaad heli doontaa taageero badan sida kuwan dib loogu dejiyay hoosta Barnaamijka Waxootiga Dowladdu Kaalmayso. Laakiin intaa waxa dheer, waxaad heli doontaa taageerada kafiilka gaarka ah si uu kaaga caawiyo inaad la qabsato nololsha Canada.

Waxaa lagugu dhiirigelinayaa inaad la xidhiidho kafiilkaaga marka aad sugayso oggolaanshaha inaad timaado Canada. Tan waxaa lagu samayn karaa iimaylo, wicitaano telefoon ama fariimo onlayn ah.

Nidaamka codsiga – tallaabooyinka xiga:

- Adiga iyo xubnaha qoyskaaga waa in la amariyaa baadhitaan caafimaad ka hor inta aanay iman Canada.
- Kharashka baadhitaanka, oo ay la socoto adeegyada kale ee caafimaadka ka hor inta aanad tegin, waxaa bixisa [dowlada](#) Canada.
- Waxay qaadan lahayd dhowr bilood ka dib waraysigaaga ka hor inta aanay ku waydiin inaad u baxdo baadhitaanka caafimaadka. Ururka Caalamiga ah ee Socdaalka ama [Socdaalka, Qaxootiga iyo Xafiiska Socdaalka Muwaadinimada Canada](#) waxay kula xidhiidhi doontaa faahfaahinta dheeraadka ah haddii aanad hadda ka hor marin baadhitaanka.
- Sidoo kale waa inaad gudutaa baadhitaanka falka dembiyeed iyo amni. Kuwan waxay hubiyaan inaad gelin wax dembiyo khatar ah muddadii la soo dhaafay, oo aanay halis amni ku hayn Canada.
- Saraakiisha Canada waxay dib u eegi doonaa codsigaaga si ay go'aan uga gaadhaan haddii aad gudubtay baadhitaanka caafimaadka, amniga iyo fal dembiyeedka. Iyaddoo la waydiiyo, lagaagama baahna inaad adigu gudbiso wax macluumaad dheeraad ah.



- Haddii aanad gudbin baadhitaanada caafimaadka, amniga iyo dembiga, laguuma dooran doono dib u dejinta Canada.
- Haddii aad gudubto baadhitaankaaga caafimaadka, amniga iyo dembiga, Canada waxay waydiisan doontaa Ururka Caalamiga ah ee Socdaalka, ama urur kale, inuu kaa caawiyo inaad u diyaar ahaato inaad u soo safarto Canada.
- Wadamada qaarkood, waxaa lagu marti qaadi doonaa inaad ka soo qayb gasho kullanka hanuuninta ka hor int aanad tegin. Kuwan waa kullamo bilaash ah, oo loogu yeedho Hogo tusaalaynta Dalka dibadiisa ee Canada, oo waxaa lacagta bixiya dowladda Canada oo waxaa bixiya Ururka Maalamiga ah ee Socdaalka. Kullanka, waxaad ku baran doontaa wax ku saabsan Canada kuwaas oo la heli karo si ay kuu caawiyaan adigu inaad kula qabsato ka dib imaanshahaaga.
- Haddii aan lagugu marti qaadan inaad ka soo qayb gasho kullanka Hogo tusaalaynta Dalka dibadiisa ee wadankaaga, ogaysii kafiilkaaga inuu ogaado inay u hubsan doonaa inaad hesho macluumaadka marka aad timaado Canada.

Ku nolaanshaha Canada:

- Markaad gudubto dhammaan imtixaanada oo dhokumentigaaga ay diyaar yihiin, safarkaaga Canada waa la habbayn doonaa.
- Wadamada qaarkood waxaad u baahan kartaa inaad siiso kharashka bixida dowladda wadankaaga degenaanshaha ka hor ka bixida. Marka lagaaga baahan yahay inaad kharashkan siiso laftaada, Ururka caalamiga ah ee Socdaalka waxa uu kaa caawin doonaa nidaamkan.
- Haddii aanad haysan baasaboora ama warqadda safarka oo kale oo ansax ah, dowladda Canada waxay ku siin doonaa dhokumento markaas waxaad u safri kartaa Canada.
- Dowlada Canada waxay bixin doontaa amaah si ay u daboosho kharashka safarkaaga ilaa Canada.
- Lacagtu waa **amaah**, taas oo macnaheedu yahay inaad dib u bixin doonto wadarta qadarka dowladda gudaha 3 ilaa 8 sanadood, iyaddoo ku xidhan qadarka amaahda.
- Waa inaad bilowdaa dib u bixinta amaada gudaha 1 sano oo imaanshahaaga Canada ah. **Kafiilkaagu dib uma bixin doono amaahdaada.**
- Waxaa lagu siin doonaa caawimo si aad u gaadho garoonka diyaarada iyo inaad la macaamisho saraakiisha socdaalka marka aad tagto.
- U safarka goobta u dambaysa ee safarka gudaha Canada waxay noqon kartaa safar dheer. Waxaad soo qaadan kartaa cuntooyinka fudud maadama aad iska bixinayso lacagta cuntadda ee diyaarada ama garoonka diyaarada.



Imaanshaha Canada:

- Marka ugu horaysa ee aad timaado Canada, shaqaalaha ururka adeeg bixiyaha, uu ku jiro turjubaanka haddii loo baahdo wuu ku salaami doonaa marka aad ka degto diyaarada oo waxa uu ku caawin doonaa dhexda nidaamyada socdaalka.
- Haddii aad leedahay isku xidhka duulimaadka, waxay kug hagi doonaan goobta aad u safrayso ee u dambaysa. Sidoo kale waxay ku siin doonaan adiga cunto iyo meel la seexdo haddii aad sugayso saacado badan ka hor isku xidhkaaga duulimaadka.
- Haddii aad hadda ka hor joogto goobtaada u dambaysa ee safarka, waxay ku keeni doonaan si aad ula kullanto kafiilkaaga kaas oo adiga kugu sugi doonaa madaarka.
- Kafiilkaagu waxa uu ku siin doonaa meel aad joogto, sida guri dabaq ah, guri ama huteel.
- Xaaladaha qaarkood waxaa lagu siin doonaa hoy ku meel gaadha h dhowr maalmood ama todobaad ilaa laguu raro hoy ku meel gaadh ah.
- Kafiilkaaga waxa uu ku siin karaa qayb saad ah marka aad marka ugu horayso timaado oo waxay kaa caawin doonaa cuntaddaada iyo dharka wata taageerada dhaqaale ee ay bixiyaan.
- Waxaa sidoo kale lagu siin karaa dharka jiilaalka.
- Kafiilkaagu sidoo kale waxa uu ka jawaabi doonaa dhammaan su'aalahaaga ku saabsan nolosha Canada oo waxay kaa caawin doonaan in:
 - o aad hesho turjubaani;
 - o aad hesho dhakhtarka qoyska iyo dhakhtarka ilkaha;
 - o aad codsato daboolida daryeelka caafimaadka gobolka;
 - o aad u habayso carruurtaada inay dugsiga aadaan.
 - o aad la kullanto dadka leh xiiso gaar ah sida kaaga oo kale;
 - o aad isticmaasho adeega bangiyada, gaadiidka, iwm; iyo
 - o kugu xidha adiga adeegyada dejinta dowladu maalgeliso, sida tababarka luqadda, adeegyada shaqada, iyo kuwa kale.



TKafiilkaaga waxa uu ku siin doonaa taageerada koowaad si uu kaaga caawiyo bilaabida noloshaada gudaha Canada. Laakiin adiga aad ayay kuugu muhiim tahay inaad lahaa filashooyin run.

waa inaad u diyaar garowdaa inaad si adag u shaqayso si aad aad uga faa'iidayso noloshaada Canada.

Taageerada dhaqaalaha ah ee ka timid dowladda iyo kafiilka gaarka ah waa ilaa 1 sano laga bilaabo taariikhda aad timaado, ama ilaa aad isku fillaansho gaadho – kuu doonaa ha soo horeeyee. Waxaad u baahan doontaa inaad taageerto naftaada iyo qoyskaaga ka dib 1 sano.



Dib ula degida qoyskaaga.

Adiga iyo xaaskaaga, carruurta aad ka masuulka tahay, iyo carruurta ku tiirsan carruur laga masuul yahay waxay ku codsan karaan foom socdaalka ah oo isku mid ah oo waxay imanayaan Canada si wada jir ah.

Haddii uu jiro **wax isbeddelo ah** oo heerkaaga guurka ah (tusaale, waad guursatay oo furtay), ama haddii aad ilmo dhasho wakhti kasta ka hor safarkaaga Canada, **waa inaad** u sheegtaa kafiilka iyo saraakiisha Canada. Tani waxay ku dhacday in xubnahaaga qoyska ee cusub lagu dari karo codsigaaga socdaalka.

Aad ayay muhiim u tahay inaad u sheegto kafiilkaaga iyo saraakiisha Canada inaad doonayso inaad dib ugu degto qoys ahaan. Wa inaad ku qortaa dhammaan xubnaha qoyska codsigaaga. Haddii aanad u sheegin saraakiisha Canada waxa ku saabsan xaaskaaga ama ilmaha ka hor inta aanad ka tegin Canada, awood uma yeelan doontii inaad iyaga kafiilato inay yimaadaan Canada mustaqbalka.



Haddii qaraabadaada ama saaxiibo dhowkuwaas oo jooga Canada, oo aad jeceshahay inaad ku ag noolaato iyaga, waa inaad u ogaysiisaa UNHCR iyo saraakiisha Canada hadda. Sida badan ee suuragalka ah, Canada waxay isku daydaa inay dejiso qaxootiga gudaha bulshada halka ay ka helaan taageerada dadka ay garanayaan.

Sababtoo ah waxaa lagu dejiyay hoosta Barnaamijka Xafiiska Fiisaga Blended soo tixraacay, Waxaa lagu dejin doonaa magaalo la mid aha ama aaga ku xeeran halka kafiilkaagu degen yahay. Haddii aad leedahay qaraabo ama xidhiidho gudaha bulshadda halka kafiilkaagu degen yahay ama aad leedahay wakiil waxay isku deyi doonaa inay ku dejiyaan bulsho la mid ah.

Haddii qaraabadaada ama xidhiidhadu ay u guuraan magaalo kale gudaha Canada, fadlan u sheeg kafiilkaaga sida dhakhsaha badan ee suuragalka ah markaas waxay kaala shaqayn karaan in la go'aamiyo haddii uu jiro taageero degenaanshaha oo ku habboon bulshadda cusub.

Waxaa sidoo kale lagu aqoonsan karaa qof "cid kala socon" oo xubnaha qoyska codsigaaga. Markaad degto Canada, waxaad awood u yeelan doontaa inaad keento xubnaha qoyska Canada hoosta barnaamijka loogu yeedho Fursada daaqada Halka Sano ah. Waxaad codsan kartaa sanadkaaga koowaad ee imaanshaha Canada si xaaskaaga, lamaana sharciga guud, ilmaha aad ka masuulka tahay, ama ilmaha uu ka masuulka yahay ilma laga masuul yahay in dib laguula dejiyo Canada adiga, ilaa inta ay ku qoran yihiin codsigaaga ka hor ka tegidaada Canada.

Xubnaha kale ee qoyska, sida waalidka, awow ama ayay, ama walaalo iyo hablo walaalo ah, waa inay soo gudbiyaan codsigooda si looga fekero dib u dejinta. Markaad timaado Canada, waxaad awood u yeelan doonaa inaad kafiilato xubnaha qoyska inay u haajiraan Canada haddii ay buuxiyaan [shuruudo gaar ah](#). Qaab uun, nidaamka in la keeno xubnahan qoyska Canada waxa uu qaadan karaa wakhti dheer, oo waxaa dhici karta inaad arag xubnaha qoyska sanado badan.

IRCC ma taageeri doonto qaban qaabada safarka ee xawayaanka rabaayada ah iyaddoo ay ku lug leedahay xawayaanka adeega mooyaane halka sababaha sharciga laga helo si loogu cudur daaro safarkeeda Canada. Qaxootiga waa inay sameeyaan qaban qaabada safarka ee xawaaynka rabaabayada ah ee qoyska iskood.



Heerkaaga socdaalka

Markaad Canada timaado, waxaa lagu siin doonaa dhokumentiga loogu yeedho Xaqiijinta Degenaanshaah Joogtada ah oo sheega inaad ku noolaan karto halka si joogta ah sidii **qof degen oo joogta ah**. Tan macnaheedu wax aweeye adigu inaad joogto gudaha Canada inta ka hadhay noloshada. Waxaad awood u yeelan doontaa inaad ka shaqayso oo dugsi ka aado.

Waxaa jira shuruudo gaar ah inta ay leegtahay ee aad ku noolaanaysaa, **oo dhab ahaan noqonaysa**. gudaha Canada ka hor inta aanad codsan muwaadinimada, Marka aad buuxiso dhammaan shuruudaha, waxaad codsan kartaa inaad noqoto muwaadin Canadiyaan ah.

Macluumaad dheeraad ah waxaa laa heli karaa <https://www.canada.ca/en/immigration-refugees-citizenship/services/canadian-citizenship/become-canadian-citizen.html>, ama dhexda kooxdaada kafiilashada.

Halka aad Canada kaga noolaan doonto

Canada waa wadanka labbaad ee ugu wayn adduunka, oo leh magaalooyin waa wayn iyo magaalooyin badan laakiin sidoo kale leh aagaga halka ay joogaan dad aad u yar ama aanay joogin dad. Badanka magaalooyinka muhiimka waxay ku yaalaan qaybta koonfureed ee Canada, oo u dhow xadka ay la wadaagto Maraykanka.

Aagaga adankooda halka dadka ay ku nool yihiin way kala fog yihiin oo waxay qaadataa wakhti badan in la gaadho, xataa haddii loo duulo. Tusaale ahaan, fogaanta udhexaysa Canada labbadeeda magaalo ee waa wayn, Toronto iyo Vancouver, waxay ka badan tahay 4,300 oo kiiloo mitir, ama ugu badnaan 3 maalmood oo bas ah.



Waxaa dib lagu dejin doonaa magaalo wayn ama magaalo halka kooxda kafiilku degen yihiin.

Kafiilada waxaa ka go'an in lagaa teegeero inaad ku noolaan lahayd bulshadeeda oo aad kala shaqayn doonto inaad madax banaanaato. In kastoo aad leedahay xaqa aad ugu guurto meel kasta oo Canada ah, kafiilada waxaa keliya looga baahan yahay inay ku siiyaan taageero sanadkaaga koowaad **marka aad joogto bulshadooda**.

Haddii aad go'aan ku gaadho inaad u guurto meel kale oo Canada ah, kafiilkaaga awood uma yeelan doono inuu ku taageero adiga dhaqaale ahaan oo awood uma yeelaynaysid inaad hesho adeega dejinta dowladdu maalgeliso.



Bulshadda Canada

Gudaha Canada, raga iyo haweenka way siman yihiin. Waxay leeyihiin xuquuq isku mid ah oo waxaa loola dhaqmaa heer isku mid ah oo ixtiraam ah. Raga iyo haweenka dhammaan qaybaha bulshadda, dhaqamada, isirka iyo diimaha ay iska dhex galaan oo waxaa loola dhaqmaa si isku mid ah.



Xor ayaad u tahay inaad ku hadasho fikradaada gudaha Canada, marka aad ixtrimaayso xaqa kuwa kale inay si la mid ah sameeyaan.

Waxaa jira kooxo badan oo bulsho iyo ururo e raga, haweenka iyo carruurta oo aad ku biiri karto. Waxaad noqon kartaa mid ka qayb qaata hawlaha ciyaaraha sida kubbada cagta ama dabaasha, oo waxaa jira hawlo badan oo aad samayn karto qoys ahaan. Qaar waa bilaash, marka ay kharash yihiin kuwa kale.

Waxaa lagu isticmaali karaa in qoyskaaga oo dhan kula joogaan si ay kuu caawiyaan oo kuu taageeraan. Marka la joogo Canada, waxaad dareemi kartaa keli, laakiin keli ma tihid. Haddii aad walaac qabto, la xidhiidh kafiilkaaga ama la hadal qof bulshaddaada ka mid ah. Waxaa jira dadka halka ku caawin kara adiga inaad la qabsato nolosha gudaha Canada.

Haddii ay jiraan kullamo dadka dhawaan yimid aagaaga, isku day inaad xaadiro. Tani waxay kaa caawin kartaa inaad saaxiibo cusub ka samaysato bulshadda dhexdeeda oo waxay kaa caawin kartaa inaad garato adeegyada aagaaga.

Sharciyada Canada

Sharciyada Canada waxay aqoonsadaan oo ilaaliyaan xuquuqda aasaasiga ah iyo xoriyada qof kasta, oo uu ku jiro xoriyada iyo sinaanta. Heshiiska Xuuqda Canadiyaanka iyo Xoriyaha waa qayb ka mid ah Dastuurka Canada. Way ku ilaalisaa isla marka aad Canada timaado.



Iska jir falalka qaarkood waa sharci darro Canada kuwaas oo aan sharci darro ahaan karin wadankaaga aad degenayd. Waa sharci darro oo waxaa looga fekeraa fal dembi inaad wax ku dhufato haweenay ama ilme, inaad ka tagto carruurta oo aan aanu la joogin qof wayni, inaad wadato baabuur caymis la'aan ama liisan la'aan, ama carruurta yaryar inay ku safraan baabuur iyagoon lahayn kursiga baabuurka. Sidoo kale waa sharci darro in lagu kaajo lagu saxaroodo meel dad wayne, in kastoo ay jiraan goobo suuliyaal bilaash ah badanka goobaha.

Macluumaadka dheeraadka ah ee ku saabsan sharciyada Canada iyo nidaamka cadaalada waxaa laga heli karaa [bogga internarka](#) dowladda Canada.



Luqadda

Canada waxay leedahay 2 luqaddood oo rasmi ah: Ingiriisi iyo Faransiis. Xirfadaha Ingiriisiga iyo faransiiska aad ayay muhiim u yihiin inay ku caawiyaan inaad degto Canada.



Ingiriisigu waa luqadda guud haan lagu hadlo badanka gobolkada iyo dhulalka. Faransiisku waa luqadda ugu muhiimsan ee lagu hadlo Quebec, si kastaba ha ahaatee waxaa jira bulshooyin Faransiis ah dhammaan gobolada iyo dhulalka Canada oo dhan. Sidoo kale waxaa jira dad degen oo laga tiro badan yahay kuwaas oo Ingiriisiga ku hadlka gudaha Quebec.

Xirfadaha xoogan ee Ingiriisiga ama Faransiiska ay kaa caawin doonaan helida shaqada, tegida dugsiga, helida adeegyada iyo saaxiibo samaysashada. Haddii ay suuragal tahay inaad horumariso Faransiiskaaga ama Ingiriisiga ka hor imaanshaha Canada.

Markaad joogto Canada, waxaad qaadan doontaa xiisadaha luqadda dowladdu maalgeliso oo aan lacag kugu joogin. Kafiilkaagu waxa uu kaa caawin doonaa macluumaadka sida loo helo heerarkaaga luqadda lagu qiimeeyay iyo sida loo diiwaangeliyo barnaamijyada tababarka luqadda.

Helida shaqada

In kastoo adiga iyo qoyskaaga aad heli doontaa caawimo dhaqaale muddada sanadkaaga koowaad ee Canada, waa fikrad wanaagsan in la diyaaro helida shaqada markaas waxaad awood u yeelan doontaa inaad daryeesho naftaad aiyo qoyskaaga.

Inta wanaagsan ee aad ku hadasho Ingiriisiga ama Faransiiska, inta fudud ee ay noqon doonto inaad shaqo hesho. Shaqooyinka aad loo kormeero iyo ganacsigu waxay u baahan yihiin adigu inaad:

- ku wanaagsanaato Ingiriisiga ama Faransiiska,
- aad lahaado aqoon xoogan dhammaan luqadda shaqada la xidhiidha, iyo
- fahanto weedhaha ama jumladaha la isticmaalo, qaar gooni u ahaan kara Canada.



Haddii aad karto, isku day inaad ogaato wax ku saabsan shuruudaha luqadda loo baahan yahay inaad ka shaqayso qaybtaada. Markaad joogto Canada, kafiilkaaga waxa uu kaa caawin karaa inaad isku diiwaangeliso fasalada luqadda. Kafiilkaaga waxa uu sidoo kale ku xidhi doonaa adeeg bixiyayaasha bixiya kullmada macluumaadka bilaashka ah ama adeega gaarka ah si lagaaga caawiyo inaad hesho shaqo.

Haddii aad haysato digriiga jaamacada, dibloomada kulliyada ama shahaadada ganacsiga, waxa laga yaabaa inaan la aqbalay gudaha Canada. Waxay khusaysaa dowlada gobolka ama guddida maamulka halka aad ku nooshahay inaad go'aan ku gaadho maaha digriigaaga/shahaadada ama warqaddaha kale ee la aqoonsan yahay. Adeeg bixiyayaasha sidoo kale waxay kaa caawin karaan inay kugu hagaan dhexda nidaamka.

Mutadawacnimada sidoo kale waa qaab wanaagsan oo lagu helo khibrada shaqada Canada. In kastoo aan lacag lagu siinayn mutadawacnimada, waxay kaa caawin kartaa inay horumariso xirfadaha luqaddaada oo waxaad ka heli kartaa khibrad iyo xirfadaha lama huraanka ah si loo codsado shaqooyinkan. Sidoo kale waa qaab wanaagsan oo lagu samaysto saaxiibo oo lagula kulmo dadka bulshaddaada.



Adeegyada dejinta

Adeegyada dejinta waxaa lagu maalgeliyay socdaalka, Qaxootiga iyo Muwaadinimada Canada (iyo Ministère de l'Immigration, de la Diversité et de l'Inclusion in Quebec) oo waxaa laga heli karaa dhammaan dadka si joogta ah u degen Canada, ay ku jiraan qaxootiga dib loo dejijo. Adeegyadan waa bilaash oo waxay kaa caawin kartaa si wanaagsan inaad ugu diyaar garowda oo lala qabsado nolosha Canada.

Waxaa jira adeegyada onalyanka imaanshaha ka hor ee [Socdaalka, Qaxootiga iyo Muwaadinimada Canada websaydka](#) si loo diyaariyo adigu inaad ku noolaato Canada. Waaad heli kartaa adeegyadan marka aad hesho xaqijinta codsigaaga in la ansixiyay.

Marka aad joogto Canada, xirfad yaqaanada dejinta waxay bixiyaan kala duwanaanshaha adeegyo gaar ah in lala qabsado nolosha Canada. Tani waxaa ku jira caafimada helida shaqada, tababarka luqadda, tababarka shaqada u gaark ah, adeegyada dhalin yarada iyo dadka waa wayn, iyo wax badan.

Liis buuxa oo adeegyada dejinta ah ee ay maalgeliso Socdaalka, Qaxootiga iyo Muwaadinimada Canada waxaa laga heli karaa [onalyn](#).

Kharashyada

Markaad tagto Canada, waxaad heli doontaa taageerada dhaqaalaha ah ee ka timid dowladda Canada 6 bilood iyo kafiilkaaga gaarka 6 bilood ee hadhsan, ama ilaa aad noqoto isku filnaanshaha -- ku kastoo soo horeeya.

Marka taageerada ka timaado kafiilkaaga gaarka ah iyo dhammaadka dowladda, waxaad ka masuul ahaan doontaa bixinta kharashkaaga, ay ku jirto cuntadda, kirada, korontadda, biyaha, dharka iyo cashuuraha. Waa muhiim in la barto sida miisaanyida loo sameeyo lacagtaada.

Haddii aanad shaqo heli karin ka dib 12 bilood oo waxay u baahan tahay caawimada taageerada qoyskaaga, waxaa jira adeegyo bulshadda kala duwan sida kaydka cuntadda iyo ururada samafalka caawimada siiya kuwan u baahan. Waxaa jira barnaamijyo taageero dhaqaale oo kala duwan ay siiso dowladdu dadka baahan, si kastaba ha ahaatee waa inaad hubisaa heerka qiimaynta gaarka ah inaad buuxiso si aad uga faa'iidayso barnaamijyada. Waydii kafiilkaaga wixii macluumaad dheeraad ah waxa uu yahay taageerada la heli karo gudaha bulshadaada.

Waxaad sidoo kale dooni kartaa inaad lacagta u dirto qoyskaaga wadanka joogay. Xor ayaad u tahay inaad sidaas samayso, laakiin dad badan way ku adkayd inay taageeraan nafahooda oo weli ay lacag ay qoyskii u diraan u hadhay. Waxyaabo badan waxay noqon karaan kharash badan gudaha Canada oo ka badan inaad bixin jirtay. Xusuuso inay wakhti qaadani doonto inaad dila qabsato noloshaada cusub ee Canada.



Dugsiyada

Lacag kama bixinaysid carruurtaada si ay u dhigtaan dugsiya hoose ama dugsiya sare. Dhammaan carruurta u dhexaysa 6 iyo 16 waa inay tagaan dugsiya. Waa sharciga. Badanka ardayda dhigata dugsiya sare ilaa ay helaan dibloomada qalan jebinta (ilaa 18 sanado).

Markay dhammeeyaan dugsiya sare, carruurtaadu waxay sii wadan karaan jaamacadda ama kulliyada. Kulliyada iyo jaamacaddu waa lacag, laakiin kulliyada iyo jaamacaddu waxay lahaan karaan ilo ay ku cawiyaan inay helaan deeq waxbarasho, deeq ama amaahda ardayda.



Daryeelka caafimaadka iyo ilkaha

Sidii qof joogto u degen Canada, waa inaad bixin adeegyada badanka daryeelka caafimaadka, ay ku jiraan booqashooyinka cusbitaalka ama dhakhtarka.

Markaad timaado Canada, waxaa lagu siin doonaa Barnaamijka Caafimaadka Federaalka Ku meel gaadhka ah (IFHP) daboolida. IFHP daboolidu waxay bixisaa daryeelka caafimaadka aasaasiga ah (ay ku jirto booqashooyinka dhakhtarka ama cusbitaalka) ilaa aad uqalanto daboolida caafimaadka gobolka ama dhulka, taas oo caadi ahaan dhacda gudaha 3 bilood. Muddada wakhtigan, waa inaad codsataa caymiska caafimaadka gobolka ama dhulka halka aad ku nooshahay.



Waa muhiim in loo soo bandhigo warqadahaaga u qalmida IFHP adeeg bixiyahaaga daryeelka caafimaadka wakhti kasta oo aad booqato. Waxaad heli kartaa adeegyada daryeelka caafimaadk meel kasta oo Canada oo ka timid adeeg bixiye daryeel kasta kaas oo diiwaangashan. Liiska adeeg bixiyayaasha diiwaanka gashan waxaa lagu heli karaa [onalyn](#) hoosta liiska "Raadi Adeeg bixiyayaaha IFHP.

IFHP sidoo kale waxay bixisaa daboolida dawo qorida iyo daboolida kaabbida si wax looga qabto baahiyaha degdega ah iyo daryeelka caafimaadka koowaad (tusaale ahaan, adeegyada caafimaadka maskaxda, daryeelka araga xadidan iyo daryeelka ilkaha ee degdega ah ee xanuun baabiinta iyo caabuqa). Daboolida kaabbida iyo dawo qorida waxaa la siiyaa ilaa inta aad hesho taageerada dhakhliga ee ka timid kafiilka gaarka ah.

In kooban oo dhammaan dheefaha IFHP iyo adeegyada waxaa laga heli karaa [Socdaalka, Qaxootiga iyo Muwaadinimada websaydka Canada](#).

Kafiilkaaga waxa uu kaa caawin karaa doorashada dhakhtarka qoyska, helida dhakhtarka ilkaha, iyo ku xidhidaada dhakhtarka maskaxda iyo la talinta jughta la soo maray halka ay lama huraan tahay.

Gobol kasta iyo dhul kasta waxa uu leeyahay qorshihiisa caymiska caafimaadka. Hubso inaad ogaato waxa qorshahaagu daboolo. Kafiilkaaga waxa uu kaa caawin doonaa inaad codsato warqaddaha muhiimka ah markaad timaado Canada.

Qaxootiga ku cusub Canada inta badan waxay dareemaan cidlo iyo go'doon, oo waxaa ku dhici kara walbahaar joogto ah iyaddoo ay sababtay waxyaabahii ku soo dhacay xiligii hore. Waxaa jiri kara adeegyo bilaash ah iyo dad tababaran inay la hadlaan cida dawayn karta nabaradan. Haddii aad caawimo raadinayso, waydii kafiilada waxa ku saabsan caafimaadka maskaxda iyo adeegyada la talinta laguu heli karo adiga.



Tallaalka

In lagaa tallaalo cudurada waa mida ugu amniga badan iyo qaabka ugu waxtarka badan ee cudurada looga hortago, waxyaabaha cudurada soo raaca iyo dhimashada hore u timaada.

Tallaalka waxa uu ku shaqeeyaa caawinta in la dhiso nidaamka difaaca jidhkaaga. Sida dhammaan gudaha Canada, tallaalka waxa uu maray xaqiijin buuxda iyo nidaamka oggolaanshaha ka hor intaan dadka loo keenin.

Guddida dhakhtaariirta waxay bixin ku siin karaa tallaalka si aad u cusboonaysiiso heerkaaga tallaalka muddada baadhitaankaaga caafimaadka socdaalka, ka hor inta aanad iman Canada. Adeegyadan khasab maaha. Haddii aad doorato in laguu tallaalo dibada, waa inaad soo u qaadataa diiwaankaaga tallaalka Canada.

Marka aad Canada joogto, tallaalka badan waxaa lagu daboolaa hoosta qorshaha daryeelka caafimaadka gobolka ama dhulka. Adiga iyo qoyskaaga waxaad u nuglaan kartaan cudurada tallaalka ka hortaggi karo, gaar ahaan haddii aanad helin tallaalka xiligii la soo dhaafay. Dhallaanaka iyo carruurta da'da yar gaar ahaan waxay u nugul yihiin cudurada laga hortago qaarkood, qaybaha Canada qaarkeed, carruurta waxay u baahan yihiin in la helo dhammaan tallaalkooda inay cusboonaadaan ka hor bilaabida dugsiga ama daryeelka maalinta.

Kafiilkaaga, dhakhtarka ama rugta caaimaadka dhammaan waxay bixin karaan macluumaad dheeraad ah sida loo cusboonaysiiyo heerka tallaalkaaga.

Waa go'aan gaar ah in naftaada iyo/ama xubnaha qoyskaaga la tallaalo. Laakiin xusuuso, marka lagu tallaalo, waxaad naftaad aka ilaalinaysaa iyo kuwa kale cudurada gaarka ah oo waxaad ku caawinaysaa inay joojiyaanku faafinta cudurka kuwad aadka ugu nugul.

Cuntadda iyo biyaha

Biyaha la cabayo Canada amni ayay u yihiin in la cabbo. Guri kastaa waxa uu leeyahay biyahiisa kulul iyo kuwa qabow oo socda. Waxaad biyaha heli kartaa wakhti kasta oo maalinta ama habeenka ah.

Kala duwanaanshaha cuntada in la iibsado waxay ku xidhnaan doontaa bulshaddaada. Magaalooyinka Waa wayn, ee kala duwan ee Canada hubaal ahaan waxay heli doonaan badanka cuntooyinka aad caadi ahaan cunto, marka bulshooyinka yar ay haysan karaan kala duwanaansho yar.

Dadka ka yimid kooxaha isirka ee ku nool Canada, taas oo macnaheedu yahay inay jiraan kala duwanaansho badan oo cuntooyinka ah oo ka duwan dhaqamo badan, oo caadi ahaan waxaad ka heli kartaa dukaamada alaabta gaarka ah iibiya wixii cuntooyinka gaarka ah. Cuntooyinka qaarkood way ka qaalisanaan karaan kuwaad caadaysatay iyaddoo ay sababtay cimilada Canada iyo baahida in la dhoofiyo.



Diinta

Diimo badan ayaa Canada laga helaa. Waxaa lagu oggolaan doonaa inaad taada ugu dhaqanto si xor ah. Sharciga Canada waxa uu u baahan yahay inaad tixgeliso dadka ku dhaqma diimaha kala duwan. Laguma waydiin doono ama laguguma khasbi doono diintaada. Xoriyada diinta waa mid ka mid ah xuquuqaha aasaasiga ah ee Canada.



Marka kafiilada kala duwan ay yihiin kuwa caqiido diimeed ku salaysan, waxaad sii wadan kartaa inaad si xor ah ugu dhaqanto diintaada. Dadkan waa mutadawaciiin kuwaas oo doonaya inay kaa caawiyaan inaad timaado canada oo aad u dhex gasho si guul leh, waajibaad la'aan.

Jawiga hawadda

Waxaa jira 4 xili oo kala duwan Canada, gu'ga, xagaaga, dayrta iyo jiilaalka. Canada waa wadan aad uw ayn oo cimila xili kasta way kala duwanaan kartaa laga bilaabo qayb wadanka ah ilaa qayb kale.

Cu'ga (Maaros, Abriil iyo Maayo) waa xiliga roobka badan qaybaha Canada, iyo jawiga waxa uu noqon karaa mid qabow. Xagaaga (Juun, Juulay iyo Ogosoto), jawiga hawada ama cimiladu aad ayay u diiran tahay badanka qaybaha wadanka. Muddada maalinta, heerkulka caadi ahaan waxa uu ka sareeya 20°C oo intabadan waxa uu gaadhaa meel ka saraysa 30°C.



Dayrta (Sebtabar, Oktoobar iyo Noofambar), jawiga hawada waa qabow oo sidoo kale waxay sidoo kale noqon kartaa mid aad u rooban. Muddada bilaha jiilaalka (Diisambar, Janaayo iyo Febraayo) aad ayay u qabowdahay badanka meelaha, leedahay heerkul inta badan ka hooseeya 0°C. Barafka ayaa daboolka dhulka laga bilaabo Diisambar ilaa Maarso ama Abriil. Koonfur galbeed British Columbia (hareerta Victoria iyo Vancouver) roonka aad ayuu caan u yahay jiilaalka in ka adan barafka.

Iyaddo ku xidhan halka aad ka timid, aad ayaad uga yaabi kartaa qabowga iyo barafka muddada jiilaalkaaga kooraad gudaha Canada. Addoo xidhan dharka saxda ah, waxaad u diyaar garoobaysaa inaad xiisayso quruxda goonida ah ee jiilaalka Canada. Kafiilkaaga waxa uu kaa caawin doonaa helida koofiyada, buudhka, galoodyada iyo koodhadhka jiilaalka qoyskaaga.



Erayada u dambaysa ee talada

Bilaabida nolol cusub gudaha canada way xiiso badan tahay oo waxaa ka buuxa fursaddo cusub. Si kastaba ha ahaatee waxaa jiri doono caqabado sidoo kale. Dadka qaar way ku adkaataa inay la qabsadaan. Wakhti ayay qaadataa, markaas isku day inaad samirto. Xusuuso in dad badan oo dhawaan yimid sidaadoo kale ay la qabsadeen oo si buuxda ay u dhex galeen bulshadda Canada.

Waxaa jira dad iyo adeegyo la heli karo si ay kuu caawiyaan. Kafiilkaaga waxaa la heli karaa si uu uga jawaabo walaacyo kasta ama su'aalo aad qabi karto. Waxay raadinayaan danahaaga ugu wanaagsan. Waxaad sidoo kale, la xidhiidhi kartaa [Socdaalkaaga, Qaxootiga iyo Xafiiska Socdaalka Canada ee Muwaadinimada](#) wixii su'aalo ah ee ku saabsan codsigaaga.

Ilaha kale ee suuraglka ah waxaa ka mid ah kooxaha bulshadda, kooxaha diinta, adeegyad ala talinta iyo ururada dowladdu maal geliso ee dejinta. Kooxahan dhammaan waxay leeyihiin waayo aragnimada caawinta dadka dhawaan yimid inay u dhex galaan qaabab kala duwan. Ha ka cabsoon inaad caawimo waydiisato.

Haddii si kastaba aad u rumaysan tahay in si xun laguula dhaqmay ama lagaa faa'iidaystay, ama aanad helayn qadarka taageerada uu ku balan qaaday kafiilkaagu, fadlan la xidhiidha Socdaalka, Qaxootiga iyo Muwaadinimada canada isla markaaba IRCC.INPSR-PPPRRI.IRCC@cic.gc.ca.

Ma jirto khatarta waayida taageerada dhaqaale ama heerkaaga degenaanshaha addoo la xidhiidhaya Socdaalka, Qaxootiga iyo Muwaadinimada Canada.

Kama dambaysta, waxaa jira websaydyo leh macluumaad badan oo kaa caawiya inaad diyaar garowdo. Websaydkayada gobolka waxay hayaan macluumaad badan oo faa'iido leh, ay ku jiraan su'aalaha inta badan la iswaydiiyo, linkiyada bulshada, wararka iyo dhacdooyinka.

Dowladda Canada websaydkeeda waxaa ku jiraa faahfaahin badan oo ku saabsan nolosha Canada, liiska khariidada ururada adeega dejinta gudaha bulshooyinka dhammaan wadanka, macluumaadka qiimaynta luqadda xorta ah iyo adeegyada tababarka, iyo ilaha dheeraadka ah si loogu diyaar garoobo safarkaaga ilaa Canada.

www.canada.ca/immigration

